

83.

DEO OPTIMO MAXIMO UNI ET TRINO,

VIRGINI DEI-PARÆ, ET S. LUÆ,
Orthodoxorum Medicorum Patrono.

QUÆSTIO MEDICA, (*)

CARDINALITIIS DISPUTATIONIBUS,
manè discutienda in Scholis Medicorum, die Martis vigesima-quintâ mensis Februarii,
anno Domini MDCC. LXXVII.

M. BENJAMINO - MICHAËLE SOLIER DE LA ROMILLAIS, Anatomes & Artis
Obstetriciæ in Gratiâ Matronarum Professore, M. MICHAËL IS-JOSEPHIMAJAULT,
Antiqui Regis Exercituum in Germaniâ Medici, vices gerente, Doctore Medico,
Præside.

*An Liucinibus, Cornicinibus, Tibicinibus & id genus cæteris Pithaulis &
Choraulis, O'voneola?*

I.

INTER hygieistas Medicos, trahit sua quemque voluptas. Quibus supparasitari placet, ii aurea divitum lacunaria subeuntes, magnatum valetudinem hygieines præceptis temperant. Quos juvant ambitiosa fastus & luxus instrumenta, illis cordi est aurifabrorum omniumque ejusdem farinæ opificum sanitas. Alii curant alia. Quisque pro suo voto scribit. Nos vero qui musica rapimur, qui mollibus & festivis delectamur cantibus, queis unicum rebus in adversis solatium subministrant amabiles concentus chordisque focianda verba, hoc munus hodie fuscipimus, ut qua ratione musicorum vitam a morbis vindicare queat Bromius pater, paucis exaremus. Musicen in tres partes vocalem nempe, instrumentalem & mixtam dispefcere, hic animus non subit. Istud enim oneris multi sibi jampridem imposuerunt. Nolumus itaque post tot Homeros Iliadas scribere, ne noctuas Athenas mittere videamur. Quiddam tantummodo narrare lubet de symphoniacis, utpote qui ad nostram questionem strictiori vinculo pertinent. Animo igitur concipiatis choros omni generis musicorum, quos excipiunt atria vassissima columnis ad singulos angulos quadrifariam collocatis & culmen ovale-ellipticum fulcipientibus. Aulæis diversimode figuratis, vel peristromatibus Campanicis, vel tapetiis Alexandrinis, aut centunculis varie depictis non conteguntur parietes; sed tabulatis miro quodam artificio inter se junctis, nunc in orbem rotatim flexuosis, nunc in obliquam seriem dispositis, & in concavum patorem depresso, & in convexum toreuma prominentibus. Erecta stant pulpita, distribuuntur unicuique suæ partes. Jam Mefochorus scabillorum crepitu signum modumque canendi intonat. Stant cuncti arrectis auribus, unoque ictu, una expiratione, dulcia sonant vocum modulamina, inflantur tibiæ, mugiunt æra, pulsantur tympana, animantur multiforaciles buxi, pletris excitantur clavicordia, lyræ, chelides, cytharæ. Omnia in unum coeunt, miscentur acutis, gravia; citis, tarda; fortioribus, debiliora; & pellibus, eboræ; & flatibus, nervi;

(*) M. E. C. BOURRU, Auctore, 1769;

& homini, fufurris. Interea tamen animos auditorum capeffit fibique in æternum devincit Harmonia, diva illa rerum potens, sine qua,

Nec quidquam dias in lunatis oras

Exoritur; neque fit lætam nec amabile quidquam.

Audiat nunc quibus periculis istud paretur melos, quantis musicorum incommodis præfinitur ista voluptas. Symphoniacis insidiantur hæmophthyses, phthyses, pleuritides, peripneumonice castæque thoracis affectiones: & sequius admodum variæ prolapsei herniæ. Quæ tam n falluras omnibus inducias mori epotationes ita confidimus, ut pro ista ἀφροδίσια hac die disputare neutiquam dubitavimus.

I I.

MORBORUM supra recensitorum originem, ex varia fibratum textura five laxiori five debiliori repetere, esset ab ovo Leda ordiri bellum Trojanum. Causæ illæ procatalitice omnibus innotescunt; ad proximas itaque devenimus. Antequam tamen longius progrediamur, ne extra propositi nostri fines evagemur, non abs re erit animadvertere nos hic præsertim agere de eo genere symphoniacorum, qui in canendo manus discapedinantes, pulmonalibus aurs lotum resonare cogunt. Tali autem mechanismo perficitur iste cantus. Ac intra pulmonis cavum attrahitur. Illud viscus quantum potis est distenditur. Jam tunc glottis non coarctatur, sicuti soleman est in cantoribus, sed solummodo labia & prolabia quæ in rimam eo angustiora, cedunt, quo acutior debet esse tonus. Interea fibræ pulmonales aëre rigide, infra cogunt diaphragma, quod in abdomine repulsam ibi hemisphæræ speciem refert. Viscera abdominalia versus musculos & pelvim retro pelluntur & omni ope foras exire satagunt, utpote ab omni parte compressa. Undique tamen aditu intercluduntur, nisi qua conceditur exitus forinis spermaticis & vasis sanguiferis quibus alluuntur extrema inferiora. Hac igitur omnes diriguntur conatus. Fores istas ex summis viribus irruunt & persstrepunt incarcerata viscera: & magis magisque cumulatione virium crebrius insultatæ januæ, exitum tandem denegare fiunt indociles. Ceditur: & prout variæ partes variis portis exeunt, oriuntur diversi generis herniæ. Alia vero ex parte lobulis pulmonum aëre distensis, distenduntur etiam & vasa pulmonalia, quæ si rigidioribus & debilioribus simul consent fibris, disrumpuntur; sin minus, ita relaxantur mæandri, ut exsudationis sanguineæ ansa præbeatur. Inde sputationes cruentas & cætera oriri mala, quis nesciat?

I I I.

LUGENDA sane vestra conditio, liticines, cornicines, tibicines! grato lenocinio amarus hominum moerores permulcere satagitis, ipsorum aures grato fufurro aucupare tentatis, & hæc vobis stat pro mercede pœna. Vestri tamen idcirco ne molliantur animi. Præsto vobis adest medicina hygieinis, contra tot & tantas aggritudines afferens robur & æs triplex. Quin imo magis esse virtute. De vestra valetudine curare ipsa non dedignatur benigna hominum parens natura. En ecce vobis paratur de quodam arbusculo liquor amœnus. Vobis hygieine propinat auxilium. Desluit e torculari roris salutiferi rivulus. Caveatis tantummodo ne quod vobis offertur medicamentum, nimietate vertatis in vestram perniciem. Pro certo enim habeatis, quantum boni afferunt modicæ vini epotationes, tantum etiam advocare malorum insolentes & effrænas liberi intemperantias.

Οὐκ ἔστι τοι πίνειν πολλὸν, κακόν, ἢν δέ τις αὐτὸν

Πίνῃ ἐπισπόμενος, ὃ κακὸς ἀλλ' ἀγαθός.

3

Saturnalia itaque vobis suademus, non Orgia. Illos haustus proponimus, quibus laxa & debilis fibrarum textura possit in dies paulisper & quantum fatis est indurari, nec plus ultra. Illos potus celebramus, quibus hæmorrhoidibus, phthysibus, pleuritidibus, peripneumonitis, &c. neci queant remoræ. Illas tandem sorbitiones commendamus, quibus herniis & cæteris pithaulorum & choraularum incommodis a tibiærum usu adventantibus, obfistatur.

I V.

IN his autem præcavendis affectionibus utramque paginam efficere meri epotationes, utro contendimus. Quæ ut fibras roborant, ita etiam fluida sic diluunt, ut ingurgitationibus obfistat. Idcirco etiam vini Generosi epotatio *ἀρτυρική* audit Hippocrati, quippe quæ thoracem quodam quasi scuto tegit & loricat. Ideo etiam in cunctis fere pectoris afflictibus, commendatur meracioris vini potus apud Divum Senem, Galenum, Arætam cæterosque veteris Scholæ Magistros: quibus suffragantur non pauci ex Neotericis, neque infimioris subfellii. Quod vero vinum thoracis debilitati adeo potenter obfistit, idem etiam non male accefferit veluti propugnaculum ad versus hernias illas quæ liticines, cornicines, tibicines, pithaulas & choraulas tam pertinaciter obfident. Illæ enim ægritudines eæ *πνευμοναί* morum gerere cogentur, quæ fibris calcar addet, oscillationes reddet vegetiores, partes ad debitum restituit tonum. Dotibus autem istis pollere Bacchi munera (*) nullus, ut opinor inficiari poterit. Agite ergo tibiærum mellei modulatores, tubarum periti modificatores, Flacci consilia sequimini atque benignius depromite quadrimum Sabina merum diota. Apagæ Pharmacopœum; accedat Onopola. Lecythi, falcinæ, loricæ abeant in malam rem; præstant cadi, lagenæ, cyathuli. *ῥινοκοκκί* seponite; confugite ad *ὀφθαλμική* veluti ad sacram anchoram. Sicque Nestoreos ducentes annos, omni vacantes periculo, vos jam tute licebit & cantus Lydios dulciter, & Æolios simpliciter, & Iasios varie & Phrygios religiose, & Doricos bellicose consonare, canere, modulari (**).

(*) Nos tædet rationes apponere, cur usu meri fibris robur accedat. Tædet enim jam sexcenties ab Auctoribus enarrata totiesque recusa, hic iterum reperere. Sunt quibus hæc placent, ut ita dicam, mineralia. Neque id nos fugit. Sed talia nobis displicent. Qui ergo hæc noscere cupient, adeant *Van-Swieten* in *Aphor. Boerhaav.* de fibræ debilitate & laxa. Et qui plura de vini dotibus scire exoptabunt, consulant *Andr. Baccium* de vinis. Ibi volupe perlegere poterunt quinam erat vinorum usus apud veteres clinicos, tum in præcavendis, tum in fanandis morbis de quibus supra.

(**) Quam in hodierna disputatione proponimus cautio, non modo rationibus evincitur, verum etiam & usæ. Neque alie profusus enim ratio, nisi quia a tibiærum cerebrum conducit, id genus symphoniacorum habent sibi ingentem in epotanti fluidum, quæ ab omni ævo semper eos torret, nisi ex Poëtarum veterum fragmentis atamandum est. *Musæus Epigr. lib. 12.*

Ebriæ nos macidis rumpit tibiæcina buccis.

Plantus in Mastellaria, *Art. 3. sc. 2.*

S i t. Musæus hercle agis ætatem: ita ut vos decet.

Vino & victu, piscaria probo, electili,

Vitam colitis.

Idem in Sticho, *Art. 5. sc. 4.*

S A G.

Bibe tibiæcin, age si quid agis, bibendum hercle hoc est, ne nega.

Quid hoc fatidis, quod faciundum vides esse tibi? quin bibis?

QUID QUID impræsentiarum de Liberi virtutibus dixerimus, non certe deerunt qui postliminio obganniant *ὕπερ ποτὶς* tibicinibus aptiorem esse *οἰνοπορία*, cum nempe post cantus frequenter repetitos, arentes & aridæ cantorum fauces, antesignanos inflammationum gutturis affectus denotent: quoi igni adderetur oleum, si vini epotatio tunc temporis prescriberetur. Meræ næniæ, meræ nugæ, istæ objectiones. Operam profecto luderent qui talia oggererent. Quasi si ægriitudines istæ ex vasculorum debilitate non ducerent natalitia: cui debilitati medelam certe non ignavam afferunt meri potus, dum fibras roborant, sicque motus circulationis in his partibus effectos ac pene sufflaminatos restituunt. Aliquid insuper addemus. Quodnam, quæsumus, ceraulis accederet acumen ingenii, quænam nervei laticis agilitas, quæ digitorum flexilitas & docilitas, si per totum vitæ dumetis refertæ stadium, pernitem aqua sitim sedare tentarent? Num quemdam lateret istud Horatianum:

Narratur & prisci Catonis
Sæpe mero caluisse virus?

Fertur etiam Belgicum quemdam eximium cerevisiæ potatorem, chelim plectere aliunde satis gnarum, indelenda tamen quondam tabe famam suam maculasse, dum in concentu publico, musicorum nostratum æmulus vellet haberi; adeo ut cuncti exclamarent auditores, illius cantus redolere lupulum. Istud fortasse dedecoris sibi pepercisset bellulus ille zythipota, si crassiori abjecto potu, à teneris unguiculis vinum largius deprompsisset. Nemo ergo jam cogat ceraulas sitim aqua levare; sed melius: statim atque personuerunt, caupones adeant, ibique potus inter & scyphos, quantum inter canendum consumpserunt iterum atque iterum expirando laticem, tantum epotando reficiant; ut deinde animo alacres, corpore vegeti, experientia sua nostram confirmare queant propositionem,

Ergo *Liticinibus, Cornicinibus, Tibicinibus & id genus cæteris Pithaulis
& Choraulis, Οἰνοπορία.*

Age si quid agis: accipe, inquam, non impedit hoc publicum.

Haud tuum istuc est te veteri: eripe ex ore tibias.

Et infra.

Age tiben, quando bibisti, refer ad labia tibias.

Eadem etiam Comœdia, eodem Act. sc. 5.

STRE. Siquidem mihi saltandum est, tum vos date, bibat, tibicini.

STI. Et quidem nobis. SA G. Tene, tiben, primum: &c.

Similia passim reperiuntur in cæterorum carminibus, quæ hic afferre vetant angustæ paginæ cancelli.

Proponerat Parisiis LUDOVICUS-CAROLUS HALLOT, Lingonensis;
Saluberrimæ Facultatis Medicinæ Parisiensis Baccalaureus, A. R. S. H. 1777,
à sextâ ad meridiem.

Typis QUILLAU, Universitatis & Facultatis Medicinæ Typographi. 1777.